

آبونه شرائطی : هریر ایچون
سنه لکی (۲۷۵) آلتی آیلنی
(۱۵۰) خارج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآراده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع الممنونیه
قبول اولتور . درج ایدله یین
یازیلر اعاده اولتماز .

کتابخانه

۱۳۳۰

آدرس تبدیلینده آریجه
۵ غروش کوندرملیدر .

مکتوبلرک امضاری واضح
و اوقوناقلی اولسی و آبونه
صره نومروسنی محتوی
بولونمسی لازمددر

ممالک اجنبیه ایچون آبونه
اولانلرک آدرس لرینگ
فرانسزجه یازلمسی رجا اولتور .

پاره کوندردلدیکی زمان نهیه
دائر اولدینی بیلدیرلمسی
رجا اولتور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

اللہ ری ناصر لاشمش خلقمزی کورو نجہ یوزلرینی ا کشتیمز لرمی؟ کنجلری بویله شیلرہ آلیشدیر مق فائدہ لی برشی اولماسہ کرک . بالعکس اولرہ حیاتک حقیقی و آجی صحنہ لرینی کوستر ملی کہ یارین شداند حیاتیہ قارشوسندہ کہ وشہ مسون، متانت و رصانتی محافظہ ایدہ بیلسونلر . یارین بوکنجلری اناطولینک کوپلرینہ کوندردیککیز زمان اولرلی نہ ایله ا کلدیرہ جکسکیز؟ عجا دارالالخان خانملری ہر کوبہ برر قونسر ہیئت کوندردہ بیلہ جکمیدر؟ عجا ملت ایله منور طبقہ آرمسک بوقدر آچیلہ سنک سبی نہ در؟ ملتک تحصیل کورن قسمی آرتیق کوبہ دونیمور؟ اورادہ یاشامہ بی برار ایلیم ناتی ایدیور . کویلودہ جہلدن بر درلو یاقہ سنی صیرہ میور . کویلی معامہ ، معلم کویلی بہ ایصینہ مایہ رقی آردہ کی اوچوروم کوندن کونہ درینلہ شور .

عجا دارالالخان خانملرینک ویردکلی قونسر، بودردلرہ چارہ ساز اولہ جقمیدر؟ بز ہیچ ظن ایتیمورز کہ بویول ، ملت ایچون بر فلاح یلی اولسون . برکون کلیر ، بوکادہ دیو یولور؟ بونک دہ مودہ سی کچر . لکن ضررینی بنہ خلقمز چکر . واقعا فضیلت یولی بر آصارپ و دیکنلی اولور . فقط فلاح و سلامت آنجق اورادہ در . بیلہ یز ، بزم بوخالصانہ ارشاداتمز حسن قبولہ می مظهر اولور ، یوقسہ او جاغک مؤسسہ لرینی منفعل می ایدر؟ بز کوردیکمز ہرہانکی برضالالت قارشوسندہ ایقاظ و ارشادہ بولونمہ بی اک متحتم بر وظیفہ تاقی ایلدیکمز جہتلہ شور قاج سوزی یازدق . ہدایت اللہ مخصوصدر . دیلدیکنہ انجق او ، احسان ایدر .

وطن غزتہ سی

مسلمانلرک شعائر دینہ لرینہ قارشو ہر ب می آمبور؟

مقدما (وقت) غزتہ سنی چیقاران ، شمدی دہ (وطن) ی نشر ایتکدہ اولان احمد امین بک ، شو صیرہ لردہ شعائر ملیہ اسلامیہ قارشو حرب آچانلرک باشہ کچمش کی بر وضعیت آلمشدر . تحصیلنی میسوزلر ، چیزوینلر مملکتکندہ اکال ایتدیک، اساساً عرقی مشربی دہ بویله شیلرہ بک مساعد اولدینی ایچون بو وظیفہ بی الحق بویوک برکیاستلہ ایفا ایتکدہ در . احمد امین بکک کندیتہ مخصوص تعیہ لری ، سوق الجیشلری وارددر . ہیچ بر فرصتی فوت ایتہ یلرک بلانلرینی کمال مہارتلہ تطبیق ایتک مخصوصندہ کی قدرتی ہر کسجہ مسلمدر . اونک اک بویوک

موفیقی ، خصمنہ قارشو کندینی خیرخواہ کوسترہ بیلہ سیدر . اونک یازیلرینی اوقویان بر طاقیم سادہ دل مسلمانلر ظن ایدرلر کہ او، مسلمانلنی مدافعہ ایدر ، مسلمانلرک یوکسلمسنی ایستر . او، شعائر اسلامیہ قارشو وقتلی وقتسز ، مناسبتلی مناسبتسز متصل هجوم ایدوب طور مقدمہ اولان بر طاقم فارفادہ جیلر کی دکلددر . صنعتندہ اوقدر ماہر درر . ہیچ وقتسز تعرضی یوقدر . هجومک وقتی وشکلنی تعین ایتکدہ ہیچ آلدانماز . قرار لاشدیر دینی شکلی دہ تطبیقہ ہیچ فالصو یا نماز . بو خصوصہ حقیقہ اصطلاح مخصوصیلہ « استاد اعظم » اولہ بیلہ جک قدرتی حائر درر .

او ، مطبوعات عالمندہ یالکیز ایکی فالصو یا ہمیشدر : بریسی سیونیستلری مدافعہ ایتسی ، یعنی فلسطیندہ موسوی یوردینک تأسیسنہ طرفدارلق کوسترمسی ، بری دہ تورکیائی امریکا مانداسنہ صوقق ایستہ می . مع مافیہ بزم فالصو تلقی ایتدیکمز بومستلہ لردن برنجیسنندہ بنہ اونک نقطہ نظری ثابت اولمشدر . شو قدر کہ فلسطین دہا بزہ ایکن اورادہ موسوی یوردینک تأسیسنہ طرفدارلق کوسترمسی و بوفکرینک اوزمانکی حکومتک نظردقندن دور قالماسی وضعیتنی براز مشکلشدیرمشدی . یوقسہ او ، فلسطینک مقدرات آتیسنی تعینندہ اصابتسز لک کوستر . مہمشدی . یالکیز امریکا مانداسی مسئلہ سندہ شاشیرمش ، تورکیانک بر دہا بلنی طوغرولتہ مایہ جفنہ ، ہر حالہ اجنبی بر دولت حمایتہ سنہ کیرہ جککنا ذاہب اولمش ، بونک ایچون تقدم حقنی قازانق اوزرہ اورتہ یہ آنیلیمششدی . فقط بومستلادہ اصابت ایدہ مدی . تورکیا خارقالعادہ بر اثر حرکت کوسترہ رک دیریلدی ، عنایت حقلہ اجنبی حمایتہ سنہ دوشمکدن مصون قالدی . مع مافیہ بوندن طولای اونک مہارتسز لککنا ، کیاستسز لککنا حکم ایدہ جک دکاز . تورکیانک یکیدن حیات بولسی ، ممجزہ کی فوق العادہ بر حادثہ اولدی . بو مسئلہ یالکیز اونی دکل، دہا بر جوقلرینی شاشیرمشدی . حقیقی عسرت و شرف صاحبیلرہ ہر یولہ کلہ بیلہ جک آدمملری کوسترمک اعتباریلہ او کونلر بویوک بر امتحان زمانی اولمشدی .

ہر نہ ایسہ بونلر بر طاقم مسائل سیاسیہ در کہ شیمدی بزم موضوعمزدن خارجدر . شایان دقت اولان نقطہ احمد امین بکک امریکا مانداسنی ترویج ایتسی دکل ، آتی بی کسدرمک خصوصندہ کی اصابتسز لککدر کہ بودہ مسئلہ بر خطاسیدر . یوقسہ ہر مسئلہ نک اکنی صوکنی دوشونمہ دن بر کلہ بیلہ یازمادینی مسلمدر . او، صنعتندہ اولہ رسوخ کسب ایتمش بر ماہر در کہ زمان اولور ، ہیچ مسائل دینیہ دن بحث ایتمز ، حتی ایجاب ایدرسہ

اخلاق طرفدارانی بیله یاپار. زمان اولور، برقاچ کشف تعرضیدن صوکره شعائر اسلامییه اک بویوک بر ضربه ایندیرمکده اصلا فرصتی فوت ایتمز.

کندیسنه (احد امین) کی کوزل براسم قویدینی ایچون باباسنه بک متتداردر. بواسم، هر زمان اونک چوق ایشنه یارامش والآن یارامقددر. اساساً بونلر اوتدن بری مشغله لرینی تجارتیه حصرا یشلر، تا، جدلری مهتدی (سابتای لوتی) زمانندن بالقان حربینه قدر سلانیکنده بولونقلری مدتیجه مسلمانلرله ایی کچیمه یه چالیشمشلر؛ کندی آره لرند قاج کوچ اولماقوله برابر قادینلری سوقاقده مسلمانلر کی اورتومشلر؛ کندیلرینه مخصوص عقیده لری، یشاییشلری اولدینی حالده ظاهرده اعتقادیات واجتماعیات خصوصنده مسلمانلر وتورکر کی حرکت ایدرک اونلرله خوش کچیمه یی عمده اساسیه اتخاذا یشلردی. اونک ایچون سلانیکنده مسلمانلری وتورکری ده اونلرک بواحوال و عقائد خصوصیه لرینی بیلمکله برابر اجرای تجارت خصوصنده کی بحریکلکلرینی تقدیر ایدر؛ یالکیز عقائد وشعائر خصوصیه لرینک مسلمانلرله عدم سرائی ایچون ممکن اولان وسائط تحفظیه مراجعت ایدرلردی. ذاتاً اونلرده کندی عرقلرینی ومذهبلرند کی خصوصیتی محافظه ده مدهش بر تمصب کوسستزلر، حیاینده شویله طورسون، اولولرینی بیله کندیلرندن ماعداسیله تورکرله قاریشدرمازلری. هیچ بر دونه یوقدی که تورکرله قیز ویرسون، یاخود اونلردن قیز آلسون. قبرستانلری ده تمامیه آیری ایدی. نیته کیم- بیکده بر مستثناسندن صرف نظر - بوکون ده، بورالرده بویله در.

ایشته بویله هرایکی طرف نه عقیده ده، نه حیات اجتماعی ده یکدیگرینه قایناشماقوله برابر بربرینه متجاوز بروضعیت ده آمازلردی. مسلمانلرک تاریخی عنعنه سی اولان سربستی مذهبندن اونلرده ایسته دکاری قدر استفاده ایدرلر؛ چالیشقان بر قوم اولدقلری ایچون سلانیکنده حوالیسنک اقتصادیانده حاکم بولونورلردی.

وقتا که مشروطیت اعلان اولوندی وسلانیکن (کبه حریت) اولدی، اوزمان (قره صو) لر ناصل تورک ملتک مقدراتنده عامل اولمیه باشلادیسه اونلردن ده بعضلری (آباء حریت) میانه کیردیلر. واون دوت سنه لک مشروطیت حیاستنده هم روللر جویردیلر. زوالی تورکر، او دورلرده کیزی (لوجه) لرده ویریلن قرارلردن بی خبر اوله رق کورکورینه درلودرلو جریانلرله قابیلدیلر؛ نهایت مملکت

هرج و مرج اولدی، قوجه قوجه قطعله لر آلدن چیقدی، دون حاکم اولدقلری یرلرده بوکون محکوم اولدیلر. اونلرک هیچ ده امید ایتمککاری اولیه بر دور نفوذ ادراک ایتملری کندیلرینی جوق شیمارتندی واللرینه کچن بو نفوذک قدرینی بیله رک دها زیاده حرکت و فعالیت فکریه کوستمه یه باشلادیلر. آرتیق سلانیکن آلدن چیقدینی ایچون تورکرله برابر اونلردن ده بر چوغی مهاجرت ایتمش، استانبوله کلوب یرلشمشیدیلر. لکن بو دفعه کندیلری ده نفوذ حکومندن حصه دار اولدقلری ایچون بوندن بالاستفاده احوال اقتصادی ومؤسسات تجاریه لرینی یولنه قویمقله برابر بر قسیمی ده قوای فکریه وسیاسیه ده عامل اوله بیله جک مسلکله سلوک ایستدیلر.

ایشته بو صیره ده احمد امین بک غزته جیلک تحصیل ایتمک اوزره آمریقایه کتندی، دیگر بعضلری ده دارالفنونلر کیردیلر، اوروپایه کتیدیلر. نهایت تحصیللرینی بیتره رک هر بری بر طرفه یرلشدیلر، دارالفنون مدرس اولانلر بیله اولدی. احمد امین بک ده (وقت) غزته سنی تأسیسه اشتراک ایدرک تورک ملتک حیات سیاسیهنده روللر جویرمه یه باشلادی. بالآخره تشریک مساعی ایندیکی محمدصام بککرله برابر چالیشمه یی هر نه دنسه موافق کورمیه رک بوندن ایکی یجق ای اول (وطن) غزته سنی چیقارمه یه باشلادی.

بالطبع هر کس کی احمد امین بک ده ایسته دیکی غزته یی چیقارمیه یلیر. بو، اونک حقیقدیر. یالکیز مسلمانلرک شعائر ملیه لرینه قارشى اعلان حرب ایتمیه حق اولماسه کر کدر. بونی یایدینی کون مسلمانلر وتورکر ایچون مقدسانلرینی مدافعه ایتمک وشعائر ملیه ودینه لرینه قارشى وقوع بولان بو تعرضلرک اسباب ولدنیاتی تحلیل واتشریح ایتمک بر وجیه اولور. بونی یایمیان مسلمانلر وتورکر، حیثیت وعزت نفسدن محروم، دینی، ملتیی سومه یی کیمسه لر اولور.

شیمدی احمد امین بک مسلمانلرک وتورکرک شعائر ملیه ودینه لرینه ایچون هجوم ایدیور؛ ایچون بوتون مسئله، کولکشیمش ذهن اغتیادلرینی بر آن اول قیرمقدرد. [۱]، دییور؟ برآدام کندی حسابنه ایسته دیکی اعتقاده صاحب اوله ییلیر؛ فقط بو خصوصده کی حریتی باشقه لرینک حقنه تجاوز ایچون کندیسنه برحق بخش ایدرمی؟ احمد امین بک قبیله سی عصرلردن بریدر کندیلرینه مخصوص عقیده بسلرله،

آرہ لرنده قاج کوچ یوقدر ، ارکک ، قادین بر آرہده بولنورلر .
قبرستانلری بیلہ آریدر وبوسبوتون باشقه درلودر . دنیاسده کندی
قیلہ لرندن باشقه سیلہ قایناشمق ایستہ مدکاری کی اولد کدن صوکره
کیکلرینک بیلہ باشقلرینک کیکلریلہ تماس ایتمی ایستہ منزله ...

بک اعلا ، وارسون اوپلا یاپسونلر ایستہ دیکی اعتقادلری طاشیسونلر .
کندیلرندن باشقلرینی (عالم خارجی) عد ایدرک یرک اوستندده ،
آلندده کندیلرندن ماعداسیلہ قایناشمق ایستہ مسونلر . بزبونلرک
بوعقیده اساسیلرینی شیمدی دکل ، عصرلردن بری بیلدیکمز حالده
هیچ برزمان اونلره قارشى تجاوزده بولونماق . تجاوز شویله طورسون ،
اونلری رنجیده ایدرک برکله اولسون سویله مدک . شاید چوققلریمز
چوققلرلی ایجابی اوله رق اونلره صاناش جق اولورسه درحال تأدیده
قصور ایتمک . اونلری بوقدر نازونعیم ایچنده یاشاندق . هرسلانیکلی
مسلمان وتورکک بیلدیکی بو حقیقتلری اونلرده انکار ایدمه من .
حالبوکه روم ایلیده تورکک حاکمیتی دوزنده اونلره قارشى ناپامازدق ؛
باطل عادتارینی یوزلرینه اورور ، کیزی شیلرینی میدانہ چیقاریر ، کندیلرینی
طوعاً و یاخود کرها طریق حق وسلامته صوقه بیلیرک . لکن بیلدکاری
کی یاشاسونلر ، ایستہ دکاری کی عقیده طاشیسونلر ، دیدک .

بویله جه عصرلرجه حر وسربست ، تورکک ، مسلمانلرک ادنی
بر تعرضلرندن مصون اوله رق ایچمزدہ یاشادیلر والآن یاشیورلر .
احمد امین بک ماضیده کی احوالی بیلہ مزسه باباسنه ، اگر صاغ ایسه
دده سنه صورسون . شمدی بز مسلمانلرک وتورکک بوقدر علوجانمزدہ ،
بوقدر مسامحه کارانمزدہ قارشى احمد امین بک بر غزته باشنه کچر کچمز
بزم شعائرملیه ودینیه مزه حرب بایراغی آچمی ، بزم عادات اسلامیه مزى
قیرمق ایچون اوک آباق اولمی ، همده برآن اول بو ایشک یاپیلمی
لرؤمنی ایلری سورمی رومی در ؟ وطنداشلغه ، انسانیتہ موافقمیدر ؟
احمد امین بکجه نه اولورسه اولسون ، لکن مسلمانلرجه مقدس طایلان
بر طاقم حسیاته بی پروا تجاوزانده بولونمق ، بوقدر حرمتسزک کوسترمک
ناصیل جائز کوروله بیلیر ؟

عجبا بز بوکون قالقسه قده احمد امین بکک منسوب اولدینی جماعتک
عقیده لرینه ، یاشایشلرینه قارشى تجاوزده بولونسه ق احمد امین بک هیچ
متأثر اولمازلرمی ؟ احمد امین بک مسلمانلرک ، تورکک شعائرملیه
ودینیه لرینه نه یه هجوم ایدوب طورییور ؟ اونک بوخصوصده سوز سویله مه یه
نه صلاحیتی واردر ؟

احمد امین بک : هرکسک عائله سیله برابر تیاترویہ کیتیمی اخلاقه
بک موافق برشی در . بونی اخلاقه مغایر عدایدنلر ، عاقل دماغلردر . [۱] .
دیور ؛ میلیونلرجه بر هیئت اجتماعی تی تحقیر وتزییف ایدیور . بوندن
احمد امین بکک مذهبی مشربی بیلمه یین مسلمانلر بک متأثر اولشلر ،
بوخصوصده متعدد مکتوبلر اداره خانه مزه کوندرمشلردر .

برکره شونی سویله یه لم که احمد امین بکک تابویوک جدی مهتدی
(سابتای لوئی) زمانندن بری ارتا انتقال ایدمکن بر اغبرار
وانفعاللری واردر . بونی ، سلانیکلی مسلمان تورکک بک اعلا بیلیرلر .
اونلرک بو اغبرار وانفعاللرینی بوقدر آچیق بر صورتده شیمدی یه قدر
اظهار ایتهملری مکرر فرصت بوله مادقلرندن طولانی ایش شیمدی
اوج سنه دن بری

حجابی یوزلرندن صیره رق بی پروا بر طاقم اخلاقسزلقلری ارتکابه
باشلاملری چوققلرینه جرأت ویردی . آرتق احمد امین بک واوقفاده
اولانلر بونی بر امر واقع حالته قویمق ایستہ یورلر . بو اخلاقسزلقلر
حقنده هرکیم سوز سویله مه یه قالدیشیرسه صاغدن ، صولدن هجوم
ایدرک بر وضعیت آلدیلر . شعائرملیه اسلامیه بی مدافعه ایدنلره
(متعصب) دیه جکر ، (قرون وسطی قفالی) ، (مدیتدن بی خبر)
دیه جکر ، الحاصل آغز لرینه کان تجاوزانده بولونمقن چکنمیه .
جکر . حق ایجاب ایدرسه ایشه سیاستده قاریشدرمه یه چالیشه جقلر .
لکن امین اولسونلرکه اونلر نه دیرلرسه دیسونلر ، بز اونلرک
دیدکلرینه اصلا اهمیت ویرمه یه رک حیات اجتماعی اسلامیه مزى
بیقمق ایستہ یین بر طاقم ارباب سفاهتک بوتون مقاصد مضره لرینی
وسوء نیتلرینی عون حقله میدانہ چیقارده جفز . قادین ارکک برلکده
تیاترولره ، سینہ نالره کیتیمک بک می ایشلرینه کلپورکه احمد امین
بک ارکک ، قادین تیاترولره برابر کیدیلدی ویان یانه اوطورملری
اخلاقه بک موافق برشی در ، دیور ؟ هسانکی اخلاقه ؟ کذیسنک
منسوب اولدینی جماعتک اخلاقه می ؟ استانبولده آچیق صاچیق کزنلرک
چوغی کیملردر ؟ بر طاقم قادین جمعیتلری تشکیل ایدرک حجابی قالدیرمق
اوزره چالیشانلر کیملردر ؟ غزته لرده ، مجموعه لرده شعائر اسلامیه علینده
یازی یازان قادینلرک ، قیزلرک اصللرینی ، نسللرینی ، مذهب لرینی
مشربلرینی احمد امین بک بزه ایضاح ایدم بیلیرمی ؟ اونلرک نظرندہ البته
بویله شیلر اخلاقه موافقدر !

لکن مسلمان وتورکک حیات اجتماعی سنده قادینلرک ارککارله
برابر تیاترولره کیتیمی تمامیلہ اخلاقه مغایر بر منکردر . بلکه استانبولده

محدود بر طاقم کیمسه لر و طائله لرده اونلر کی بونی مغایر اخلاق کورمه یه بیلیر . فقط استانبولک اکثریت عظیمه اسلامییه سی هیچ شبهه یوقدرکه بو احوالی تمامیه اخلاقسزلق تلقی ایدیور و کوندن کونه بو یون بو اخلاقسزلرک (اخلاقه موافق) بر شکله کوسر بلندن جدا متأثر اولیور و اندیشه یه دوشوبور . بونلرک تصفیه سی صبرسزلقله بکله ور . مسلمانلر ایله مسلمانلق شعارندن قطع علاقه ایتک ایسته ینلرک آریلمی مسلمانلق ایچون دها حیرلیدر . اونلر ، سابقه می کیه جکله ، نفوس تذکره لرینه باشقه بر مذهب اسمی یازدیره جقار ، یوقسه هیچ بر دین ایله متدین می اولمایه جقار ، نه یاپا جقلسره یاپسونلر . یالکیز بزه تعرض ایتسونلر . اولو اورتیه رذائلری « اخلاقه موافق » شکله کوسر مه یه قالدیشاسونلر . اکر بوتون تورکیایی کندیلری کی یاپه جقلمی ظن ایدیور لر سه امین اولسونلر که بواللرندن کلز . عصرلردن بری وطنی ، وطن ایله برابر دینی ، شعار دینی سی محافظه ایچون هر فدا کارلعه قائلانان اناطولی مسلمانلری اخلاق ده بیلیر ، اخلاقسزلی ده بیلیر . مملکت سزده هیچ بر محل یوقدرکه بو کی منا . سبتسزلکلری (اخلاقه موافق) تلقی ایتسون . بونلر آچیقدن آچینه ملتسزک اخلاقه ، شعارینه بر تجاوزدر ، بر حقارتدر . اناطولینک یوز بیکلرجه اولادینک سنه لرده ، عصرلردن بری جهاد میدانلرنده هر درلو مشقلمه قائلاملری نه ایچوندر ؟ هپ وطن ایله برابر دینلرینک ، شعار دینی لرینک ده مصون و محفوظ قالمی ایچوندر . تمامیه مسلمان اولان و مسلمان قالمق ایسته ین ، نظرنده اک مقدس شی دینی و شعار دینی یی اولان بوفدا کار مات ، اون میلیوندن عبارت اولان قوجه بر هیئت اجتماعیه بو کون استانبولده بهض قادینلرک حجابدن صیریلدق ارککارله برابر تیارولره کیتلمی اخلاقه موافق تلقی ایتلمی شویله دورسون ، بونی یاپه ییله جکفی خاطر لرینه بیله صیغدیرمه مازلر . بو حاله دوشن بر قادین آرتیق اناطولی مسلمانلرینک نظرنده تمامیه برفرنک قادینندن باشقه برشی دکادر . نه کستاخلقدر که احمد امین بک بورذائلری مغایر اخلاق تلقی ایدن ملیونلرجه خلق « عاطل دماغلر » دییه تحقیر و تزییف ایدیور ! مسلمانلر بو حقارتی تمامیه کنندیسنه اعاده ایدرلر .

یاری ؟ مسلمانلر ، نه آچینه جق حاللره کلشلا نه اولدی ، وطنلرنده غریب می اولدیلر ؟ « احمد امین » کی بری قالدیورده ملیونلرجه انساندن مرکب قوجه بر هیئت اجتماعیه نک مقدس طائیدینی شعار ملیه سنه هجوم ایدیور ، حقارتده بولونیور !

احمد امین بک ! بوقدر تجاوز و حقارتک آزدر . تزییفکی دها زیاده

آرتدیر . آفرین ! جدینک انتقامی آلپورسک . همده مسلمانلردن آلدینک پاره ایله اونلرک عصرلردن بری کوله شن عادتلری ، مقدس شعارلری قیروب کچیریورسک . نه انصافسزلقد که غزته کی آلوب یاشاتانلر مسلمانلر ، تورکار اولدینی حالده هیچ بر ملت روا کورمدی بکک حقارتی اونلره یاپیورسک .

احمد امین بک ! بو زوالی مسلمانلردن ، تورکاردن نه ایسته یورسک ؟ سنه لرده بریدر اوغرامادقلری فلاکت قالمادی . یوردلری اللرندن چیقادی . دشمنلرک استیلا سی آتنده ازلدیلر . عائله لری پریشان اولدی . اولادلری جهاد میدانلرنده شهید دوشدی . چوجقلمی یتیم قالدی . بو کون یوز بیکلرجه مسلمان تورک عائله سی واردر که آنجق قوری اککدن باشقه بر شی بوله مایور . سن ایسه مهراک مطبعه سنده قورولمشک ، اورادن مسلمانلره اک غیر حقارتلری صاووریورسک .

احمد امین بک ! سنک قوم و قبیله کدن قاچ کیشی رف حربده بولوندی ؟ عجب سزدن . بردانه سنک وطن اوغورنده ، جهاد میدانلرنده شهید اولدینی کوسر بیلیر میسک ؟ سزدن حریبه مکتبنه کیروب ده ضابط چیقمش ، وطنی جانیه مدافعه یه شتاب ایتمش چوق دکل ، بر کیتی کوسر بیلیر میسک ؟ عقائد دینی لرینی تحقیر ایتدی بکک ، « عاطل دماغلر » دییه تزییف ایلدی بکک مسلمانلر مالی ملکفی ، جولوغفی چوجقفی فدا ایدره رک دشمن قارشوسنده اولورکن سنک قبیله ک بوراده کوزل کوزل تجارتی یاپیوردی ؟ عسکره چاغیر لاللرک چوغی ده جیلرنده یونان یاپا پورطیله اخذ عسکر قلملرینه کیدی یوردی . مسلمانلری قاندرمق ایچون بعضاً کویلولردن ، چیفتجیلردن ده بحث ایدیورسک . فقط سزدن بر کیتی یوقدرکه اله صابان آلسونده مستحصل اولسون . زوالی مسلمانلر ، بیچاره تورکار اک غیر ایشلری کندیلری کوریور . سنک بحریکلکی قبیله کده اک بویوک تجارتکارلرده کوزل کوزل ایشلری چوریورلر .

احمد امین بک ! بزم دینر عزت دینی در ، شرف دینی در . مقابله بالملل دینرک اک اساسی بر عمده سیدر . سزه بوقدمه لق اخطار ایدیورزه ، اکر مسلمانلره قارشو ، مسلمانلرک شعار ملیه لرینه ، عادات دینی لرینه قارشو تجاوز و حقارتلرده دوام ایدره جک اولورسه ک بزه مقابله بالملله بولونه جغز . ناموسکله چالیش . مسلمانلری ، تورکلری « عاطل دماغلر » دییه تحقیر ایتک سنک حدک دکادر .